



## Universitätsbibliothek Paderborn

**Venerabilis Thomæ A Kempis Can. Reg. S. Augustini. De  
Imitatione Christi Libri Quatuor**

**Thomas <von Kempen>**

**Augustæ Vindel., 1772**

Caput XXIII. De quatuor magnam importantibus pacem.

[urn:nbn:de:hbz:466:1-45780](#)

*Liber III. Caput XXIII. 201*

& consolari, ut ita libenter velit esse minimus, sicut aliquis optaret esse maximus:

Et ita pacificus, & contentus in novissimo, sicut in loco primo: atque ita libenter despabilis, & abjectus, nullius quoque nominis & famæ, sicut cæteris honorabilior & major in mundo.

Nam voluntas, & amor honoris tui, omnia excedere debet; & plus eum consolari, magisque placere, quam omnia beneficia fibi data, vel danda.

**C A P U T   XXIII.**

*De quatuor magnam importantibus pacem.*

I. **Fili,** nunc docebo te viam pacis, & veræ libertatis.

Fac, Domine, quod dicis, quia hoc mihi gratum est audire.

Stude, fili, alterius potius facere voluntatem, quam tuam.

Elige semper minus, quam plus habere.

**Quære**

Quære semper inferiorem locum,  
& omnibus subesse.

Opta semper, & ora, ut voluntas Dei integre in te fiat.

Ecce talis homo ingreditur fines pacis, & quietis.

2. Domine, sermo tuus iste brevis, multum in se continet perfectionis.

Parvus est dictu, sed plenus sensu, & uber in fructu.

Nam si posset a me fideliter custodiri, non deberet tam facilis in me turbatio oriri.

Nam quoties me impacatum sentio, & gravatum, ab hac doctrina me receisisse invenio.

Sed tu, qui omnia potes, & animæ prosectorum semper diligis, adauge majorem gratiam: ut possim tuum implere sermonem. & meas perficere salutem.

ORB

O R A T I O.

*Contra malas cogitationes.*

3. *Domine Deus meus, ne elongeris  
a me: Deus meus in auxilium  
meum respice, quoniam insurrexerunt  
in me variæ cogitationes, & timores  
magni affligentes animam meam.*

*Quomodo pertransibo illæsus?  
quomodo persringam eas?*

*Ego, inquit, ante te ibo, & glo-  
riosos terræ humiliabo. Aperiam  
januas carceris, & arcana secreto-  
rum revelabo tibi.*

*Fac Domine, ut loqueris: & fu-  
giant a facie tua omnes iniquæ co-  
gitationes.*

*Hæc spes, & unica consolatio  
mea: ad te in omni tribulatione con-  
fugere, tibi confidere, te ex intimo  
cordis invocare, et patienter conso-  
lationem suam exspectare.*

O R A T I O.

*Pro illuminatione mentis.*

4. *Clarifica me Jesu bone, clari-  
tate interni luminis; et educ  
de*

de habitaculo cordis mei tenebris  
universas.

Cohibe evagations malas, et eli-  
de vim facientes tentationes.

Pugna fortiter pro me, et expul-  
gna malas bestias, concupiscentias  
dico illecebrosas: ut fiat pax in vir-  
tute tua, et abundantia laudis tua  
resonet in aula sancta, hoc est, in  
conscientia pura.

Impera ventis, et tempestatibus;  
dic mari, *Quiesce*, et Aquiloni, *N*  
*flaveris*, et erit tranquillitas magna.

5. Emitte lucem tuam, et veritu-  
tem; ut luceant super terram: quia  
terra sum inanis, at vacua, donec  
illumines me.

Effunde gratiam desuper, perfun-  
de cor meum cœlesti rore: ministra  
devotionis aquas, ad irrigandam fa-  
ciem terræ, ad producendum fru-  
ctum bonum, et optimum.

Eleva mentem pressam mole pec-  
catorum, et ad cœlestia totum de-  
siderium meum suspende: ut, <sup>gu-</sup>  
<sub>stair</sub>

stata suavitate supernæ felicitatis,  
pigeat de terrenis cogitare.

6. Rape me, & eripe me ab omni  
creaturarum indurabili consola-  
tione: quia nulla res creata, appe-  
titum meum valet plenarie quietare,  
& consolari.

Junge me tibi inseparabili dilec-  
tionis vinculo: quoniam tu solus  
sufficis amanti, & absque te frivola  
sunt universa.

### CAPUT XXIV.

*De evitazione curiosæ inquisitionis su-  
per alterius vita.*

1. Fili, noli esse curiosus, nec va-  
cuas gere solicitudines.

Quid hoc vel illud ad te? tu me  
sequere.

Quid enim ad te, utrum ille sit  
talis vel talis, aut iste sic & sic agit,  
vel loquitur?

Tu enim non indiges respondere  
pro aliis, sed pro teipso rationem  
reddes. Quid ergo te implicas?

M Ecce